



Fai 'e 'Eletā  
Peter F. Meurs

'O e Kau  
Fitungofulú

# Feinga Pē!

*“Kapau te nau fakavaivai i a kinautolu i hoku a’o, pea tui kiate au, te u liliu a e ngaahi me’a vaivai ko e mālohi kiate kinautolu” (Eta 12:27).*

Na’e kau ‘eku ongomātu’á ki he Siasí ‘i he’eku kei síí. Ne mau lotu ‘i ha ki’i kolo síisí ‘i ‘Aositelēlia. Na’e tā ‘e he’eku fa’ēé ‘a e pianó ‘i he lotú. Ka ko ha ngaahi himi pē ‘e ní’ihi na’á ne lava ‘o taá. Na’á ku ako tā piano mo au. ‘I he’eku kei ta’u fitú, na’e kole mai ‘e he palesitēni fakakoló ke u tā piano ‘i he lotú.

Na’e fa’a fehālaaki ‘eku tā pianó. Na’á ku fa’a tangi ‘i he taimi na’á ku fai ai ha fehalaaki. Na’á ku mā mo ilifia. Ka na’á ku kei ako pē. Na’á ku loto ke u tā lelei e ngaahi himí. Kuó u manako ‘eni ‘i he tā pianó. ‘Oku ou lava ‘o tā e ngaahi himí kotoa. Na’á ku ngāue ki ha ki’i kolo síisí ‘i ‘e taha ‘i he’eku kei ngāue fakafaipekau ‘i Nu’u Silá. Na’e ‘ikai ha taha ke ne tā ‘a e pianó. Ko ia na’á ku tā ai ‘a e ‘ōkaní mo e pianó ‘i ha ta’u ‘e taha. Ko ha tāpuaki kiate au ‘eku lava ‘o ikuna ‘i ‘eku ilifía. Ne u lava ai ‘o tāpuekina e ní’ihi kehé.

Na’e faingata’a foki kiate au ke u lava ‘o lea ‘i he’eku kei síí. Na’e nenu ‘eku leá. Na’e faingata’a ke vahevahe ‘eku fakamo’oní ‘i mu’a ‘i he tokotaha kotoa pē. Na’e iku ‘ou tangi he taimi ‘e ní’ihi ‘i he’eku feinga ke leá. Na’e foaki mai ha ngaahi tāpuaki lakanga fakataula’eiki ke tokoni kiate au. Na’e fakalotolahi ‘aupito ‘eku ongomātu’á. Ka na’e tāpuekina au ke u lava ‘o lea mahino ange mo loto-to’a ange.

‘Oku ou kei ilifia pē. Na’e fakamanavahē ‘eku lue ki he tu’unga malangá ke lea ‘i he konifelenisi lahi! Ka na’e toka ai ha laumālie mālohi ‘aupito. Na’á ku ongo ‘i na’e langaki hake au peá u nonga. Na’e fakaofa ia.

Kapau ‘okú ke mā pe faingata’a ho’o feinga ke leá, feinga pē. Neongo kapau ‘e hokohoko atu ho’o faingata’a iá, ‘oku mau loto ke fanongo ki he me’a ‘okú ke fie lea ki aí. ‘E lava ke ke tāpuekina ai ha kakai tokolahi ‘i he ngaahi me’a ko koe pē te ke lava ‘o lea ‘aki! ■